

Espece de bonnet a langloise, parceque jestoie teste nue & souvent exposé aux rayons du soleil qui mauoient desja fort Incōmodé, cette fême cest depuis fait connoitre a moy en passant par Icy Cest la mere dAndotiennons chrestien de la montagne Dieu la veille recompenser de la Charite quelle me fit fort a propos et de bonne grace.

De la Larmée se repandit Iusq'a Otonniata ou Elle sejourna 3 Iours Elle y tint Conseil de guerre Le fus bien pres de passer le pas & destre Immolé come une victime publique, 3 francois estoient captifs avec moy deux que M<sup>r</sup>. de Valrenne auoit donnez pour aller avec Onnonaragon porter a Montreal la premiere nouvelle de la dessente des Iroquois, et qui estoient tombez dans lambuscade quon leur auoit dressé a deux lieues du fort & le Chirurgien qui fut pris avec moy Les Onnontagues qui auoient leué la Chaudiere de guerre a la sollicitation des Anglois nous auoient [*blank space in MS.*] aux quatres nations & Il ne leur restoit personne pour Jetter dans cette Chaudiere de guerre qui devoit animer le courage des guerriers La Resolution fut donc prise de nous remettre a la disposition des Onnontannes afin quils choisissent eux mesme celuy qui leur Seroit plus propres pour leur dessein, & probablement le sort seroit tombé sur moy tant parceque de me faire mourir ceust esté une marq. de guerre sans paix telle quils sembloient le vouloir, que parcequon me faisoit generalement passer pour un g[r]and Criminel dEstat Iroquois & anglois, un Capitaine dOnneiſt me vint prendre un Jour sur le midy & me mena lié come Iestoie au Conseil de toutes les nations Irroquoises assemblées sur une Colline voisine lon me mit a costé